



**Služba za komunalno – stambene poslove**

Broj: 12-23-569/20  
Lukavac: 16.03.2020.godine

Služba za komunalno – stambene poslove, općine Lukavac, postupajući po zahtjevu ROADING d.o.o Gračanica od 16.03.2020. godine, a na osnovu člana 3., 17. i 35. Odluke o nerazvrstanim cestama i ulicama na području općine Lukavac („Službeni glasnik općine Lukavac“, broj 11/19) i člana 200. Zakona o upravnom postupku („Službene novine FBiH“, broj: 2/98. i 48/99.)  
**l o n o s i**

**R J E Š E N J E**

Odobrava se privremena izmjena režima saobraćaja za **ul. Rudnička, u periodu od 18.03.2020. do 08.04.2020. godine**, u smislu totalne obustave saobraćaja tokom izvođenja radova, zbog realizacije projekta „Rekonstrukcija i izgradnja puteva na području Općine Lukavac“, koju provodi preduzeće ROADING d.o.o Gračanica

Saobraćaj će u toku obustave saobraćaja tokom radova se preusmjeriti na alternativne pravce: **Ul. Mehe Tubića – ul. Tuzlanski odred – ul. Kuduzovići**

Odobrenje se daje pod sljedećim uslovima:

1. Izvođač radova je obavezan postaviti i održavati privremenu vertikalnu saobraćajnu signalizaciju (noću sa svjetlosnom indikacijom) kao i postavljanje fizičke zaštitne ograde iskopa, odnosno cijelog gradilišta,
2. Izvođač radova se obavezuje da za dane kada zbog vremenskih prilika ili drugih razloga nema izvođenja radova i kada tehničke mogućnosti dozvoljavaju u večernjim satima da se obezbijedi nesmetano odvijanje saobraćaja u ul. Rudnička,
3. U slučaju hitnih intervencija policije, vatrogasaca i hitne pomoći, izvođači radova su dužni obezbijediti prolaz vozilima istih.
4. Izvođač radova nakon završetka radova se obavezuje da ukloni saobraćajnu signalizaciju i cestu dovede u stanje za neometano odvijanje saobraćaja.
5. Izvođač radova je obavezan da u saradnji sa MUP TK-a, PU Lukavac osigura nesmetano odvijanje saobraćaja i eventualne sporove sa učesnicima u saobraćaju.
6. Služba za inspekcijske poslove općine Lukavac izvršit će kontrolu privremeno postavljene saobraćajne signalizacije i ukoliko ista ne bude adekvatna, narediti hitno otklanjanje nedostataka, a po potrebi, u slučaju nepoštivanja naloga i obustavi radove i narediti uklanjanje postavljene privremene saobraćajne signalizacije.
7. Sve štete koje nastanu izmjenom režima saobraćaja, a zbog propusta izvođača radova učesnicima u saobraćaju i drugim licima, snosit će izvođač radova.

**Obrazloženje**

Dana 16.03.2020. godine, ROADING d.o.o Gračanica, obratilo se ovoj službi zahtjevom za izdavanje odobrenja za privremenu izmjenu režima saobraćaja, gdje je u toku realizacija projekta „Rekonstrukcija i izgradnja puteva na području Općine Lukavac“, koji provodi preduzeće ROADING d.o.o Gračanica.

Navode da izvođač planira da otpočne radove u ulici Rudnička, te će zbog toga biti izmijenjen režim saobraćaja u smislu totalne obustave saobraćaja sa zatvaranjem obje saobraćajne trake tokom izvođenja radova. Obustava bi se odnosila na period od 18.03.2020. do 08.04.2020. godine.

Članom 3. Odluke o nerazvrstanim cestama i ulicama na području općine Lukavac, propisano je da cestama na području općine Lukavac upravlja Općinsko načelnik putem općinske službe nadležne za komunalne poslove (u daljem tekstu Upravitelj cesta).

Članom 17. iste Odluke, propisano je da radovi na održavanju cesta se trebaju izvoditi tako da se zbog njih ne obustavlja saobraćaj.

U slučaju potrebe obustavljanja saobraćaja zbog izvođenja radova, upravitelj ceste će na osnovu zahtjeva izvođača radova ocijeniti opravdanost zahtjeva i izdaje odobrenje za obustavljanje saobraćaja i/ili izmjenu režima saobraćaja.

Upravitelj ceste je dužan obavijestiti korisnike ceste putem sredstava javnog informisanja o obustavi saobraćaja, o preusmjeravanju saobraćaja za vrijeme obustave i to u roku od najmanje 48 sati prije početka obustave saobraćaja.

U izdatom odobrenju izvođaču se nalaže da postavi dopunsku saobraćajnu signalizaciju i poduzme ostale radnje za sigurno odvijanje saobraćaja, te nakon završetka radova ukloni dopunsku saobraćajnu signalizaciju i cestu dovede u stanje za neometano odvijanje saobraćaja.

Ukoliko se radovi izvode na dionici ceste gdje nije moguće izmjestiti saobraćaj, upravitelj cesta može zahtjevati da se radovi izvode noću.

Članom 35. iste Odluke, propisano je da Upravitelj cesta izdaje odobrenje za privremenu izmjenu režima saobraćaja.

#### **Pouka o pravnom lijeku:**

Protiv ovog rješenja može se izjaviti žalba u roku od 15 dana od dana prijema rješenja. Žalba se podnosi putem ove Službe, Komisiji za rješavanje u drugostepenom postupku, neposredno pismeno, usmeno na zapisnik ili se šalje poštom, taksirana sa 10,00 KM administrativne takse.

**OBRADIVAČ**  
MK

Dostaviti :

- ☞ ROADING d.o.o Gračanica,
- Policijska Uprava Lukavac,
- Odsjek za inspekcijske poslove,
- Evidencija i
- Arhiva



POMOĆNIK OPĆINSKOG NAČELNIKA  
Mirza Bubić, dipl.pravnik